

თელავის საბიბლიოთეკო გაერთიანების დირექტორის მ. წიკლაურის
მოხსენებითი ბარათი 2018 წელში ჩატარებული მუშაობის შესახებ

თელავის რაიონის კულტურულ-საგანმანათლებლო საქმიანობაში
მნიშვნელოვან როლს თამაშობს თელავის მუნიციპალიტეტის საბიბლიოთეკო
გაერთიანება, რომელიც 27 ბიბლიოთეკას აერთიანებს. აქედან ერთი მთავარი, ერთი
გურაშ რჩეულიშვილის სახელობის ახალგაზრდობის, ერთი საბავშვო, №2 საქალაქო
ბიბლიოთეკა საბავშვო სექტორით და 22 სასოფლო ბიბლიოთეკაა. საბიბლიოთეკო
გაერთიანებაში დასაქმებულია 64 მუშაკი, აქედან 4 ტექნიკური (დამლაგებელი)
მუშაკია, 60 საბიბლიოთეკო მუშაკი. საბიბლიოთეკო გაერთიანების თვითონაულ
მუშაკები ინდივიდუალურად გაფორმებულია მათი უფლება მოვალობები, სადაც
განსაზღვრულია მათ მიერ ბიბლიოთეკაში შესასრულებელი სამუშაო. 2018 წელს
საბიბლიოთეკო გაერთიანების ბიუჯეტი განისაზღვრა 234 000 ლარით.

საბიბლიოთეკო გაერთიანების ხელმძღვანელობს თელავის მუნიციპალიტეტის
საბიბლიოთეკო გაერთიანებას ხელმძღვანელობს თელავის მუნიციპალიტეტის
მთავარი ბიბლიოთეკა, რომელიც ერთ-ერთი უძველესია რესპუბლიკაში.
მთავარი ბიბლიოთეკა 1884 წელს დაუარსებია ცნობილ საზოგადო მოღვაწეს ივანე
ბიბლიოთეკა 1884 წელს დაუარსებია ცნობილ საზოგადო მოღვაწეს ივანე
ბიბლიოთეკა 1884 წელს დაუარსებია ცნობილ საზოგადო მოღვაწეს ივანე
როსტომაშვილს. მთავარ ბიბლიოთეკაში დასაქმებულია 19 მუშაკი. უნდა აღინიშნოს,
რომ თელავის მთავარ ბიბლიოთეკას აქვს კახეთის რეგიონალური ბიბლიოთეკის
ფუნქცია და სისტემატიურად აწვდის მასალებს პარლამენტის ეროვნულ
ბიბლიოთეკას კახეთის რეგიონში შემავალი მთავარი ბიბლიოთეკების შესახებ.

2018 წელს საბიბლიოთეკო გაერთიანებამ თავისი მუშაობა წარმართა
მომსახურეობის გაუმჯობესების, მკითხველთა ინტერესების სრულად და
ოპერატიულად დაკმაყოფილების, საბიბლიოთეკო რესურსების სრულყოფილად
გამოყენებისთვის.

ბიბლიოთეკართა კვალიფიკაციის ამაღლების მიზნით ყოველი თვის ბოლო
ხუთსაბათს ტარდება ერთდღიანი რაიონული სემინარი, სადაც პროფესიულ
თემებითან ერთად ყურადღება მახვილდება ბიბლიოთეკისა და მკითხველისათვის
ჟაჭირო აქტუალურ საკითხებზე. 2018 წელს სემინარულ მუშაობაში მონაწილეობა
მიიღეს სახალხო დამცველის აპარატის იურისტებმა ნათავ ფიცხელაურმა და ეთერ
შიუკაშვილმა, მათ გააცნეს სახალხო დამცველის აპარატის საქმიანობა, ისაუბრეს
ულიც სას უსაფრთხოების სახალხო დამცველის
აპარატის მიერ გამოცემული ბროშურები. სემინარების მუშაობაში აქტიურად
მონაწილეობდნენ საქართველოს გარემოს დაცვისა და სოფლის მეურნეობის
სამინისტროს კახეთის რეგიონის სამმართველოს მუშაკები ზურაბ წიგნაძე და
შესაბამისად

აშუქებდნენ სოფლის მეურნეობის თემას, მოჰკონდათ აღნიშნული თემატიკის ჟურნალ-გაზეთები და ურიგებდნენ ბიბლიოთეკებს.

საანგარიშო წლის ბოლოსათვის საბიბლიოთეკო გაერთიანების წიგნადი ფონდი 423 781 ეგზპლარია, ფონდი გაწმენდილია შინაარსობრივად მოძველებული და აქტუალობადაკარგული, ფიზიკურად მოძველებული ლიტერატურისაგან. 2018 წლის ბიუჯეტით წიგნების შესაძენად განსაზღვრული იყო 14 000 ლარი, რომელიც სრულად იქნა ათვისებული. შემოვიდა 2100 წიგნი. შემოსული წიგნებიდან 421 ნაჩქარი წიგნია, ბიბლიოთეკას მჭიდრო კონტაქტი აქვს გამომცემლობებთან და ცდილობენ ახალი ლიტერატურა შემოიტანონ. ახალი ლიტერატურის შეძენისას შიბლიოთეკა ითვალისწინებს მკითხველთა მოთხოვნილებებს. ბიბლიოთეკებს გახსნილი აქვს უარების აღრიცხვის რვეული, რომელიც გათვალისწინებულია საბიბლიოთეკო გაერთიანების ფონდების დაკომპლექტებისას.

მთავარ ბიბლიოთეკას აქვს 714 კომპაქტ დისკი, ხმოვანი წიგნი და კასეტა, გასულ წელს შემოვიდა 50 დისკი. მთავარ ბიბლიოთეკაში არის მდიდარი პერიოდიკის საცავი, სადაც რაიონული გაზეთების სრული კომპლექტები 1952 წლიდან და მთავარი რესპუბლიკური გაზეთის კომპლექტები 1954 წლიდან ინახება.

აღნიშნული საბიბლიოთეკო ერთეულები მკითხველის სამსახურშია და ოპერატიულად ხორციელდება მათი მოთხოვნილების დაკმაყოფილება.

მხედველობა დაკარგულ მკითხველს შესაძლებლობა აქვს გამოიყენოს ბრაილის შრიფტით დაბეჭდული წიგნები და დისკები. ბიბლიოთეკას კავშირი აქვს თელავის უსინათლოთა საზოგადოების თავჯდომარესთან, რომელსაც პერიოდულად მიაქვს აღნიშნული ლიტერატურა თავისი საზოგადოების წევრებთან.

საბიბლიოთეკო გაერთიანების ყველა ფილიალს გამოწერილი აქვს ჟურნალ-გაზეთები, რაც საშუალებას აძლევს გაეცნოს ყოველდღიურ ინფორმაციას, აქვე უნდა აღინიშნოს, რომ გაერთიანების ბიბლიოთეკებში პერიოდიკაზე მკითხველთა განსაკუთრებული მოთხოვნილებაა.

2015 წლის ბილოს მთავარ ბიბლიოთეკაში შეძენილი იქნა ელოქტრონული კატალოგის პროგრამა, მთავარი ბიბლიოთეკის მუშაკები სრული დატვირთვით არიან ჩართული ელექტრონული კატალოგის წარმოებაში, დღეისათვის გაცემულია 21000 წიგნის კატალოგი.

2017-2018 წელს საქართველოს პრეზიდენტის ფონდის დაფინანსებით, რომლის ინიციატორიც საქართველოს საბიბლიოთეკო ასოციაცია იყო (პრეზიდენტი რუსულან ასათიანი), რაიონის 17 ბიბლიოთეკას კომპიუტერული ტექნიკა და ახალი წიგნები გადაეცა. 10 სასოფლო ბიბლიოთეკის კომპიუტერი ჩართულია ინტერნეტის

ქსელში. სოფლებში კომპიუტერების შეტანამ ხელი შეუწყო ბიბლიოთეკების მოდერნიზაციას, გაჩნდა ახალი მიდგომა – ბიბლიოთეკარი – როგორც თემის მობილიზატორი და გამაძლიერებელი. ბიბლიოთეკარი სოფლის მოსახლეობისათვის გახდა მნიშვნელოვანი რგოლი და მისი საქმიანობა გაიზარდა, 2018 წელს ამ მიზნით ტრენინგები გაიარა სოფლის ბიბლიოთეკართა მნიშვნელოვანმა ნაწილმა. სასოფლო ბიბლიოთეკების შენობები, სადაც კომპიუტერები შეიტანეს უფრო დაცული გახდა რადგან მისი სარკმელები და კარები ჩასმული იქნა რკინის გისოსებში.

ბიბლიოთეკებთან აქტიურად მუშაობენ წიგნის მეცნიერთა კლუბები. 2013 წელს მთავარმა ბიბლიოთეკამ კარი გაუღო ხანდაზმულთა კლუბს „ამაგდარს“, რომელსაც ხელმძღვანელობს ქალბატონი ნინო ჭიკაძე. კლუბის წევრები თვეში ერთხელ იკრიბებიან მთავარ ბიბლიოთეკაში აქტიურად მონაწილეობენ ბიბლიოთეკის მიერ ჩატარებულ მასობრივ ღონისძიებებში, თვითონაც აღნიშნავენ სხვადასხვა დღესასწაულებს, საინტერესოს და შინაარსიანს ხდიან თავიანთ ცხოვრებას. გულგულის სასოფლო ბიბლიოთეკაში გახსნილი ქალთა კლუბი კვირაში ერთხელ იკრიბება, ბიბლიოთეკარი აწვდით მათ პრესაში და ინტერნეტის საშუალებით მოძიებულ სიახლეებს, კითხულობენ, საუბრობენ, ისინი ბიბლიოთეკას მეორე სახლს უწოდებენ. ანალოგიური კლუბები არის აკურის, კისისხევის, ქვ. ხოდაშნის და სხვა სასოფლო ბიბლიოთეკებში.

საბიბლიოთეკო რესურსების სრულყოფილად გამოყენების საქმეში დიდ როლს თამაშობს ბიბლიოთეკების მიერ გაწეული მასობრივი მუშაობა: ლიტერატურულ-თემატური გამოფენების მოწყობა, ლიტერატულის სარეკომენდაციო სიების შედგენა და მკითხველებამდე დაყვანა, ბიბლიოგრაფიული მიმოხილვები, წიგნის განხილვები, შეხვედრები ავტორებთან, პოეზიის საღამოები, თემატური საღამოები, ზღაპრის დღები და სხვა.

2018 წელს საბიბლიოთეკო გაერთიანებამ საინტერესო მასობრივი მუშაობა აწარმოა, აღინიშნა შობისა და აღდგომის დღესასწაულები, საქართველოს დამოუკიდებლობის დღე, ექვთიმე თაყაიშვილის 155 წლისთავი, ოთარ ჭილაძის, ზვიად გამსახურდიას, იოსებ ნონეშვილის, კოსტანტინე გამსახურდიას, გურამ ფაჯუკიძის და ნოდარ დუმბაძის საიუბილეო თარიღები, ქალთა საერთაშორისო დღე, დედაენის დღე და ბავშვთა დაცვის დღე.

მთავარ ბიბლიოთეკაში 2018 წელს ჩატარდა 12 დიდი მასობრივი ღონისძიება.

შობა ახალი –წლისადმი მიძღვნილი ღონისძიების ინიციატორი საზოგადოება „ამაგდარი“ და მისი ხელმძღვანელი ნინო ჭიკაძე იყო.

იანვრის თვეში მოქმედობა აკადემიკოს შალვა ამონაშვილთან. სადაც განხილულ იქნა მისი წიგნი „აღზრდის სიმფონია“, ავტორმა საღამოს მონაწილეებს თავისი წიგნები გადასცა საჩუქრად.

აპრილის თვეში ჩატარდა საღამო დისპუტი – „დავიცვათ ქართული ენა ბარბარიზმებისგან“.

მკითხველთა დიდი მოწონება დაიმსახურა შეხვედრამ პოეტ დავით მაღრაძესთან, რომელმაც თავისი წიგნები საჩუქრად გადასცა მთავარ ბიბლიოთეკას.

6 ივლისს მთავარმა ბიბლიოთეკამ შეხვედრა მოუწყო ზურაბ არსენიშვილს, სადაც წარდგენილი იქნა მისი წიგნი „ხმა კაცისა“, თელაველები ამ წიგნის საშუალებით კიდევ ერთხელ შეხვდნენ ძველ თანაქალაქელებს და სიყვარულით გაიხსენეს.

5 ოქტომბერს მთავარ ბიბლიოთეკაში ჩატარდა შეხვედრა მწერალ ბესარიონ სოლოდაშვილთან. სადაც პრეზენტაცია გაუკეთდა მისი ავტორობით გამოსულ ისტორიულ რომანს „ცხოვნდი, მეფეო“. ბესარიონ სოლოდაშვილი ასოციაცია „უსინათლოები საზღვრის გარეშე“ პრეზიდენტი და საქართველოს ეროვნული ბიბლიოთეკის უსინათლოთა ცენტრის ხელმძღვანელია.

ერეკლეობის დღეს მთავარ ბიბლიოთეკას სტუმრად ეწვია საქართველოს სამეფო სახლის მეთაური, მისი სამეფო უმაღლესობა ნუგზარ ბაგრატიონ–გრუზინსკი. შეხვედრაზე წარდგენილ იქნა ი. ბიჭიკაშვილის წიგნი „ბაგრატიონები, საქართველოს სამეფო სახლის დინასტია და მისი განშტოებები“. ღონისძიებაში მონაწილეობდნენ ი. ბიჭიკაშვილი და მამუკა ბაგრატიონი.

14 დეკემბერს მთავარ ბიბლიოთეკაში ჩატარდა ცნობილი მწერლის სახელმწიფოს სამგზის პრემიის ლაურიატის ზაირა არსენიშვილის დაბადებიდან 85 წლისთავისადმი მიძღვნილი ხსოვნის საღამო, მწერლის ოჯახის წევრებმა, მევობრებმა კიდევ ერთხელ გაიხსენეს ქალბატონი ზაირა არსენიშვილი.

2002 წლიდან აპრილის ბოლო კვირას კულტურის სამინისტროს და პარლამეტრის ეროვნული ბიბლიოთეკის ინიციატივით რესპუბლიკაში საბიბლიოთეკო კვირეული ტარდება, სადაც ჩართულია ყველა სისტემისა და უწყების ბიბლიოთეკა. კვირეულის აღსანიშნავად საბიბლიოთეკო გაერთიანების ყველა ბიბლიოთეკამ სპეციალური სამუშაო გეგმები შეადგინეს. ჩატარდა სხვადასხვა შინაარსის მასობრივი ღონისძიებები. კვირეული გაიხსნა მთავრ ბიბლიოთეკაში მკითხველთა კონფერენციით – „ბიბლიოთეკა, წიგნი მკითხველი“. კვირეულის დღეებში ცხადად გამოიკვეთა ბიბლიოთეკის როლი საზოგადოების ცხოვრებაში. წიგნისა და ბიბლიოთეკის მოყვარულები ხალისით მიდიოდნენ მასობრივ

ბიბლიოთეკებში ესწრებოდნენ და აქტიურად მონაწილეობდნენ ჩატარებულ ღონისძიებებში. საინტერესო მასობრივი ღონისძიება ჩაატარა ქალაქის ყველა ბიბლიოთეკაში: წინანდლის, ქვ. ხოდაშნის, ვარდისუბნის, იყალთოს და სხვა სასოფლო ბიბლიოთეკებში. აღნიშნული ღონისძიებები ემსახურებოდა წიგნის ცროპაგანდას და მოსახლეობის ჩაბმას საბიბლიოთეკო წიგნის კითხვაში.

საანგარიშო პერიოდში კარგად იმუშავა იყალთოს სასოფლო ბიბლიოთეკამ, მან მონაწილეობა მიიღო საქართველოს პრეზიდენტის ფონდის მიერ გამოცხადებულ კონკურსში, სადაც მისმა საგრანტო ნამუშევარმა გაიმარჯვა, რომელიც ბავშვთა პულინგის თემას შეეხებოდა. წარმატებით განხორციელებულმა პროექტმა ხელი შეუწყო ბიბლიოთეკის თანამედროვე ტექნიკით აღჭურვას და მკითხველთა რაოდენობის გაზრდას.

ბავშვთა საბიბლიოთეკო მომსახურეობას ახორციელებს საბიბლიოთეკო გაერთიანებაში შემავალი 26 ბიბლიოთეკა. ბავშვთა შორის მომუშავე ბიბლიოთეკებში მოწყობილი თვალსაჩინოება შეესაბამება ასაკობრივ პრინციპებს. შექმნილია მხარეთმცოდნეობის და წიგნის მეგობართა კლუბები. გამოწერილი აქვთ საბავშვო ჟურნალები და ტარდება ზღაპრის დღეები, პოეზიის და ლიტერატურული საღამოები.

ბიბლიოთეკები ცდილობენ ადრეულ ასაკში გაუღვიძონ ბავშვებს წიგნის სიყვარული, ისინი ხშირი სტუმრები არიან საბავშვო ბაღების, უკითხავენ მათ საბავშვო მოთხოვობებს, ზღაპრებს. „თქვენთან სტუმრადა მეზღაპრე“, ასე დავარქვით ამ ხმამაღალი კითხვის საღამოებს. I კლასის მოსწავლეებისათვის ეწყობა ექსკურსიები ბიბლიოთეკაში, აქ ეცნობიან ბიბლიოთეკაში მოწყობილ თვალსაჩინოებას, თავისი ასაკის შესაბამის ლიტერატურას, ბიბლიოთეკის მომსახურების წესებს, ეწერებიან მკითხველებად და მშობლებთან ერთად აგრძელებენ ურთიერთობას ბიბლიოთეკასთან. რაიონის ბავშვთა საბიბლიოთეკო მომსახურეობას კორდინაციას უწევს საბავშვო ბიბლიოთეკა. სასოფლო ბიბლიოთეკებში უკვე ტრადიციად იქცა ბავშვთა ვიქტორინის „რა, სად, როდის?“ ჩატარება. გასულ წელს კახეთის რეგიონის გამარჯვებული ბიბლიოთეკებისათვის თელავის მთავარ ბიბლიოთეკაში ჩატარდა შემაჯამებელი ვიქტორინა, სადაც მონაწილეობდა იყალთოს სასოფლო ბიბლიოთეკა.

2003 წელს რესპუბლიკაში პირველად თელავის ცენტრალურ ბიბლიოთეკაში გაიხსნა ამერიკის კუთხე, აღნიშნული კუთხე უზრუნველყოფილია კომპიუტერული და ვიდეო ტექნიკით, მდიდარი ინგლისურენოვანი ლიტერატურით. თელავის ამერიკის კუთხე ერთერთი ძლიერი კუთხეა რესპუბლიკაში, დატვირთვით მუშაობს კახეთის რეგიონის მაშტაბით. 2018 წელს ამერიკის საელჩომ გაწეული მუშაობისათვის თელავის ამერიკის კუთხეს საპატიო სიგელი გადასცა და მისი

კოორდინატორი თეა ჯეირანაშვილი ამერიკის შეერთებულ შტატებში გაგზავნა.
აღნიშნულ მოხსენებით ბარათს თან ურთავ ამერიკის კუთხის კოორდინატორის თეა
ჯეირანაშვილის მოხსენებით 2018 წელს ჩატარებული მუშაობის შესახებ.

2013 წლიდან მთავარ ბიბლიოთეკაში ფუნქციონირებს საერთაშორისო
კვლევებისა და გაცვლითი საბჭოს (IREX)-ის კომპიუტერული ცენტრი. აღნიშნული
პროექტი დამთავრდა 2009 წელს და დაფინანსება შეწყდა. ტექნიკა მთავარ
ბიბლიოთეკაში დარჩა. რაიონის ხელმძღვანელობის დახმარებით დამატებული იქნა
სამტატო ერთეული და აყვანილი იქნა პედაგოგი, დღევანდელ ეტაპზე მთავარ
ბიბლიოთეკას აქვს კომპიუტერული პროგრამების სწავლების და ინტერნეტის
მოხმარების დამოუკიდებელი ცენტრი. 2018 წელს აღნიშნულ ცენტრში სასწავლო
კურსები გაიარა 60 ადამიანმა. აღნიშნულ ცენტრში მკითხველთა თავისუფალი
დაშვებაა, ბიბლიოთეკაში მომსახურეობის ყველა ფორმა უფასოა.

როგორ გამოიყურება დღევანდელ ეტაპზე საბიბლიოთეკო გაერთიანების
მატერიალურ-ტექნიკური ბაზები.

კაპიტალურ შეკეთებას საჭიროებს მთავარი ბიბლიოთეკა, მოსაწესრიგებელია
სამკითხველო დარბაზის და აბონემენტის იატაკები, ბიბლიოთეკაში წლებია არ
ჩატარებულა კაპიტალური შეკეთება. 2019 წლის ბოლოს ბიბლიოთეკას 135
წლისთვი უსრულდება. ვთხოვთ ჩვენი რაიონის მერიას იზრუნოს ბიბლიოთეკის
შენობის შეკეთებაზე, რომელიც საშუალებას მოგვცემს აღვნიშნოთ ეს საიუბილეო
თარიღი.

კაპიტალურ შეკეთებას საჭიროებს ახალგაზრდობის და №2 საქალაქო
ბიბლიოთეკა, წინანდლის, თეთრიწყლების, კურდღლაურის, ახატლის სასოფლო
ბიბლიოთეკები.

თელავის საბიბლიოთეკო გაერთიანების მიზანია მთავარი ბიბლიოთეკა
ჩამოყალიბდეს XXI საუკუნის ბიბლიოთეკად, რომელიც არა მარტო წიგნების საცავის
და ელექტრონულ მონაცემთა ბაზების წვდომის ადგილი იქნება, არამედ
ინფორმაციის აქტიური გაცვლისა და წვდომის სივრცე.

თელავის მუნიციპალიტეტის საბიბლიოთეკო

გაერთიანების დირექტორი:

მაყვალა წიკლაური